

Машигъяр ачлгъ зöөлгънä

үнинь килврдүлхмн

Материалмуд, сырье, түлэ, электроэнерг, мөнъг арвлхин, автомашидиг болн оборудовань күүцдн болн эвинь олдж олзлхин төлэ бидиндän ноолда кегъäd бääхлэ, производственн үзмдж өбдän болдж, производственн зура давулдж күүцгддиг, продукция эврä үннь килврддиг Элст балгъсна автотранспортн эдл-ахун 1957 джилн хойрдгч кварталн кöдлмшин аш медүлнä.

Союзсовхозтранси автобазин коллектив кварталас квартал күртл күүцгъäd йовлг кöдлмшин диилвмүдän лавтагъар батлад, бийдän бääсн кöрнъгän күүцдн олзлхар, арвлгъ кедж транспортн гаругъан багърулхар ноолда кеджәнä. Түрүн öрäl джилд ачлгъ зöблгънä үнинь килврдүлх зурагъан күүцäv. Тоннокилометр гаргъх зöвтä мөнъгнъ 6,4 деншг хасгдв, эврä үннь 2,6 деншг багърв, энүнä ашднъ 220,7 минъгн арслнъ хоршулгдв.

1957 джилн 7 сара ачлгъ зöблгънä зура тоннажарн 137 процент, тоннокилометрар 572,2 тоннокилометр зурагъасн үлү күүцгдв. 18,4 тонн горюч арвлгдв. Автопарк олзлгънä коэффициент зурагъасн 2,6 процент ик болв.

Болв транспортн гару Элстин кесг автотранспортн эдл-ахун дегд ик болна. Ачлгъ зöблгъарн нег үлү ик гару гаргъджахнъ Элстин автотранспортн контор (начальникнъ үр Чернов). Энүнд ачлгъ зöблгънд нег тоннокилометр гаргъх зöвтä үн хойрдгч кварталд, зурагъасн 13,2 процент үлү öсв, эс гндж 6 арслнъ 49 деншг, ут-туриштан ачлгъ зöблгънä үннь 262,5 минъгн арслнъ үнтäрв. Тоод бääх 119,2 автомашинäс дундиндän кöдлмш уга зогслгънъ кварталд 44,2 процент болв. Элстин АТК-н ачлгъ ачдг машинд йовхин болгън ачлгъ ачхларн болн ачлгъ буулгъхларн кемджәнäсн 37,5 процент үлү (удан) зогсна.

Автомашидиг эвинь олдж чикär эс олзлгън, машинс эдллгънд гардг гаругъан багърулхар бидиндän ноолда эс келгън, Элстин автотранспортн конторн кöдмшин ашд ил темдгтägъär харшлв. Ачлгъ зöблгънä паркин транспортн гарунь зурагъасн 35,1 процент öбдän болв. Иим ик гарута болсн ашднъ хойрдгч кварталд автопарк 20,4 минъгн арслнъга гару үзв. Тоннокилометр эксплуатационн ясврт гаргъх зöвтä гару зурагъас

47 деншг үнтä болдж тусв, талин немүр гарунь 2 арслнъ 90 деншг болв. Олзлгддж йовх 100 автотöгäгъäс 10 төгä элсн болдж тоолдж, гаруд бичгддг учрар, хойрдгч кварталд 67,9 минъгн арслнъ гаруд бичгдв.

Эврәннъ үнän багърулгън хашнъгар күүцäлгънд нег үлү харшлг болджахнъ автотранспортн эдл-ахун эклц документсиг цаглань дигтä-тагтагъар эс кедг, энүг арднъ ордж шалгъдж эс хäläдг учр. Эксплоатационн тонн-зöблгъ тоолхд голлгч эклц документнъ шофермүдин путевой лист мөн. „Буратинский“ совхозин авто эдл-ахун то-дигнъ болн путевой листс бичсиг шүүудж хäläхлэ, путевой листд заагдсн ачлгъ зöблдж авч ирсн ачлгълагъан харгъхш. Иим заагта болдгнъ, түрүн öрäl джилн эргцд „Буратинский“ совхозд кесг зун тонн күрв. Ганцхн июнь сард Дивнäs зöбсн 69,3 тонн горюч деер путевой листд 58,7 тонн үлү немдж бичгддж. „Буратинский“ совхозас Элстүр зöбсн 4,5 тонн үсн деер, путевой листд 14,5 тонн немдж бичдж, эс гндж 4,2 холван икär бичдж.

Эн тоот үлү бичäd бääсн тоолхла, ачлгъ зöблгънд 9,5 минъгн арслнъ үлү öггддж, тер учрар ачлгъ зöблгън үнтäрнä.

Оли зүсн үлү бичлгън, олзору угагъар кесгзун минъгн километр автомашинс кöблгън государствд ик үнтä болдж тусна. Цаглагъан öггддг берк чинртä тооцана документиг күүчär хаджилгългън, государственн мөнъг таралгън гндж тоолхмн болвза?

Машигъяр ачлгъ зöблгънä үнинь бидиндän килврдүлäd, транспортн гаруг хасад бääхлэ болн арвллгън арднъ ордж күүцäдж кеджähлэ лавта гндг социалистическ экономикн öсдж-öргдлгън болджана. Тер төлäd, предпритяьснч болн автотранспортн эдл-ахун кен чигн гардачрин, инженерно-техническ кöдлмшчрин, предпритяьсн цуг коллективн эрки төрнъ—государственн мөнъгиг гаргългън арднъ ордж, мөнъкиндän шалгъдж шүүудж хäläджäh, олзору угагъар, салнъгар гару гаргългънла ноолдджах, ачлгъ зöблгънä үнинь килврдүлх, зурагъар мөнъг хоршуллгън тетгх, кöдлмшин технологическ йовудиг дасмгъагар олзлх төр.

С. ДЖЕНГУРОВ,
Элстин горплана ахлач.